



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè disutienda in Scholis Medicorum, die Lunæ decimâ-quartâ mensis
Februarii, Anno Domini M. DCC. LII.

M. LUDOVICO - CLAUDIO BOURDELIN, antiquo Facultatis
Decano, Regiæ Scientiarum Academiæ, Regiæque Societatis
Berolinensis Socio, & in Horto Regio Chymix Professore, Doctore
Medico, Præside.

An Tussi puerorum dangosa, vulgò Coqueluche, Enefis?

I.



UOT, quanta, quàmque diversa, omni ævo, pullularint mor-
borum genera, quis nescit? Sunt cuique ætati, sexui, regioni,
conditioni tum communes tum proprii morbi, sed nulla ætas pue-
rilem morborum numero & varietate antecellit; nam præter com-
munes unicuique ætati, multos ferè sibi proprios vindicat. Vix
in lucem editus infans, variis innumerisque, difficulter superatis,
tum gestationis, tum ipsius partûs periculis, lacrymis vagitibusque inchoat vitant

A

solâ morte cessaturam. Tunc agmine veluti facto omnis generis ingruunt undique morbi, Siriasis, Hydrocephalos, Pediculi, Achores, Favus, Epilepsia, Convulsiones, Strabismus, Aurium humiditates, Dentitio, Parulides, Ranula, Tussis, Ventris tormina, Lumbrici, Calculus, Herniæ, Variolæ & Morbilli, multique alii quos abundè enumeravit Hippocrates (a); qui pueros adeò discrutiant, ac in tantum adducunt discrimen, ut iteratis observationibus conapertum sit numerum puerorum fato cedentium, longè majorem esse adultorum numero. In puerorum verò perniciem, inter enumeratas ægritudines, primas sibi vindicare tussim, uno ore fatentur omnes. Sicut enim actio organi, quod in hoc morbo laborat, vite sanitatque summè necessaria est, pariter ejusdem organi læsio vel minima, est periculi plena. Qui pluribus iteratisque vicibus, violenter aerem, contentave in pulmonibus & asperâ arteriâ, expirando, cum sonitu rejicit, tussire dicitur. Hæc autem violenta expiratio quâ totum convellitur corpus, fit potissimum, convulsivâ musculorum tum pectoralium tum abdominalium contractione, ideòque ad motus convulsivos non immeritò refertur. Tussis alia humida, alia sicca, idiopathica alia, alia sympathica; quæcumque in genere pulmones, asperamve arteriam ad contractionem provocant, tussim excitare valent. Ex his alia externa, sic omnia quæ unâ cum aere inspirantur, præ cæteris fumi minerales acidi, hausto v. g. nistri vel sulphuris fumo; minutissimâ potius guttâ, vel micâ panis intra asperam arteriam delapsis, pertinaces exoriuntur tussis. Nec intrâ corpus desunt, quæ respirationis organa lacessendo tussis suscitent. Sic asperæ arteriæ mucositas, inflammatio, in ipsius glandulis obstructio, seri à capite defluxio, pulmonis abcessus, vomica vel suppuratio, omnia deniquè quæ pulmones gravare, irritare, liberumque aeri itum vel reditum, denegare valent, diversas creant tussis, quas idiopaticas dicimus; quibusque innumeri è medio tolluntur. Aliæ verò sympathicæ eò funestiores edunt strages, quò primâ fronte, symptomatumque similitudine idiopaticas mentiuntur sæpius, incautisque imponunt. Sunt etenim convulsivæ ab irritatione nervi ductâ, his in præsens relictis, tussim quam stomachalem vocant, eamque præsertim quæ sub ferinæ vel clangosæ nomine venit, aggredimur. Ex dictis sequitur tussim absque materiâ gravante, irritante, liberumque aeri itum vel reditum negante, nullam; proinde tussis medelam optimam esse triplicis hujus causæ expulsiorem; eaque præ cæteris adhiberi debere remedia quæ tutiùs, faciliùs, breviorque viâ hunc scopum attingere possunt. Porro morbus qui à spurcitie quæcumque, primis in viis nidulante, natales ducit, Emesi præprimis tollitur.

I I.

TUSSIS clangosa pueris adeò infesta versùs medium seculi decimi-sexti, si Valeriolæ & Ballonio fides, epidemicè grassari cœpit, licet tamen testè Mezzeri versus annum 1414. primùm galliam vastare inceperit. Antiquis antea prorsus ignota. Hippocrates enim irrequietus ille morborum omnium observator, qui vel minimas ipsorum differentias & symptomata ad unguem exaravit, nullam hujusce morbi mentionem fecit. Divini hujus senis commentatores, innumeri clarissimique viri, qui post eum, tam abundè & luculenter morborum differentias symptomataque retulerunt; tussim istam aut prorsus ignorarunt, aut silentio prætermiserunt (a). Locuti sunt tantùm de tussi siccâ vel ferinâ, quam in malignam & benignam distinxerunt. Primam à destillatione è cerebro, ulceræ partium spiritalium, abcessu aut empiemate deducebant. Secundam verò ab intemperie & exacerbatione partium respirationi inservientium, & faucium, quam vel cibus vel potus, vel æcris constitutio aquilonia potest invehere. Ab istis causis oriri contendebant morbum, quem sub vocis rauræ & clangosæ nomine designabant. Sed hunc morbum cum tussi puerorum clangosâ, sive Coqueluche, cave

(a) Aphor.
24. 25. 26.
6c. 32.

(a) Desf.
Jacotius in
Jacob. Hall.
in coa. Hipp.

ne pro uno eodemque habeas; causa enim, signa, symptomataque toto cœlo differunt. Inter *Niocraticos* qui de hoc morbo scripserunt, parum accuratè ac veluti per transennam tantum scripserunt. Nemo ex professo, nemo claras distinctasque de eo ideas, fidelem nemo numerisque absolutam tradidit historiam. Ex *Francisco Valeriola* Medico Avenionæ, hic morbus primum ingruit versus annum 1510; adoriebaturque tunc indiscriminatim homines, mulieres, puerosque, quos plerisque è medio sustulit. » Tullis quoddam populare genus, inquit *Franciscus Valeriola*, (b) anno elapso, qui annus erat redempti orbis milleſimus quinquagesimus septimus, vigere populariter per universam Galliam » vidimus, tanto impetu, ut derepentè, sanis alioqui degentibus hominibus, morbus obreperet. « Hæc sunt hodiè, ut erant tempore *Valeriola*, atrocis morbi symptomata. Ægri discriantur initio, gravis capitis dolor, respirandique angustia, ac vocis raucitas, mox horror, febris, tussisque adedè valida, ut in præfocationis metum plerique adducantur; primis diebus tussis sicca atque vehemens sine scretu; mox concocto humore, post septimum aut decimum quartum diem, scretus multus viscidus, lentus, nonnullis tenuis & spumofus, procedente autem sputo, tussis & spirandi difficultas plurimum remittunt, verum in omni morbi progressu lassitudo corporis, virium dejectio, inappetentia multa & à cibis aversio, ægros vexant; inquietudo, languor, vigilia ob validam tussim vehementer premunt; nonnullis alvi fluor sub finem, aliis sudores manant. Quæ quidem symptomata omninò similia sunt symptomatis à *Valeriola* descriptis, illud tantum inest discriminis, quod tunc, cujusvis ætatis, sexus, victus rationis homines, eodem modo, eodemque anni tempore corripiebantur; moxque uno cujuslibet familiaria correpto, per universam domum incendium atque contagio obrepebant. Nunc verò infantes, puerosque adoritur tantum, quos plerisque jugulat, nisi suppetias ferat recta medendi methodus, quia videlicet, iis tanta vis non est, ut quæ pulmonibus insidet morbi materies, valeat expectorari. Hunc morbum vulgus, *la Coqueluche*, vocabat, quod quæ eo morbo tenebantur cucullione caput velabant; arbitrabantur enim, fluxionem, à cerebro, in pulmones irrumperè, caputque cucullo regentes, melius sic se habituros putabant. Tussim ferinam iisdem omninò stipatam symptomatibus videre est apud (c) *Fridericum Hoffmannum*. *Guilielmus Ballonius* (d) celeberrimus hujusce Facultatis Medicus, de constitutione anni 1578, verba faciens, meminit tussis cujusdam laboriosæ, violentæ & convulsivæ, quam *Quintam* seu *Quintanam* vocat; quæ pueros adoriebatur potius quadimestres, decimestres, pauloque adultiores; cujus causam à tempestatum inæqualitate, subitæque calidi in frigus transitione repetit. Sic mentem aperit; (e) » tussis quæ tum infestabat erat hujusmodi, ut conatus esset summus & nil extussitur, sed vomitus excitaretur subverso nimirum ventriculo.... (f) Solemnis » tussis quæ *Quinta* seu *Quintana* vulgò dicitur, cujus magna erat affinitas cum tussis » quam olim *Coqueluche* vocitabant, gravia sunt symptomata, pulmo enim ita » irritatur ut omni contentione nitens, excutere id quod molestum est, nec admit- » tat spiritum, nec vicissim faciliè reddat; intumescere videtur & quasi stran- » gulabundus æger, mediis faucibus hærentes spiritus habet... (g) plerisque vi- » dimus ita tussientes quibus, post inanem conatum, semiputris materia, incredi- » bili quantitate exorta est... (h) Vomunt aliquandò subcruentum, aliquandò » sublividum, vomunt piruitam & bilem & animo linquntur. « Hujus quoque tussis meminit *Thomas Sydenhamus* (i) hancque Pertussim, & Tussim puerorum convulsivam vocat. Enumeratis hujusce morbi symptomatibus, veram genuinamque assignare sedem ventriculum, causamque à saburrâ humorum in primis viis nidulante repetere non erit arduum. Nec minùs patebit hanc causam tutius &

(b) In *Apæ*
pen. loc. com.
Pag. 45.

(c) *Sec. 2, et*
3 de tuss.
(d) *Lib. epid.*
& *eph. tom.*
4.

(e) In *ana-*
not. p. 256.
(f) *Pag. 2571*

(g) *Pag. 2572*

(h) *Pag. 2572*

(i) *Epistolæ*
1. respons.

citiùs emeticis medicaminibus amoveri debere. Omnibus enim evacuantibus rebus mediis, huic colluviæ expurgandæ aptis, palmam præripiunt, hujus familiæ remedia. Emeticum scilicet medicamentum, parvâ quantitate sumptum, vim suam exerit, eâ potissimum ratione quam postulat, naturale illud, infantibus, nec horroris ut plurimum expers medicamenti cujuslibet fastidium; illud habet videlicet commodi emeticum quodlibet medicamentum, quod licet nausæ & vomitui excitando destinetur, absque tamen nausæ & fastidio possit non rarò propinari. Nec puerorum tenerimum statum reformides, sunt quidem valde debilia in infantibus nervorum stamina, sed mollia sunt, flexibilia & adhuc propè dixerim lactea; cumque abundantiori irrorentur sero, emeticorum actionem facillimè sustinent, ac ferè absque ullo inflammationis, vasorumque disruptionis metu; quæ duo tantum Emesis usum prohibere possent.

I I I.

I N S E N S I L I S perspirationis, quantitatem, utilitatem, imò necessitatem luculenter demonstravit *sanctorius*. Quot & quanta, sublarâ, vel imminutâ perspiratione ingruant mala norunt omnes. Apud ipsum etiam vulgus pro certò est, Tus-ses, Catharrhos, Fluxiones, Pleuritides, Rheumatismos, ab impeditâ perspiratione ob subitaneum calidi in frigidum aerem transitum, natales ducere. Hancce evacuationem, multò abundantiorē esse ætate quam hyeme sibi quisque conscius est. Verum enimverò, celeberrimorum in arte virorum, libros evolventi, patebit subitanæ perspirationis abolitionem vel imminutionem, innumeros præsertimque acutos accerere morbos. Maximas verò edit strages in pueris perspirationis defectus. Cum terrorma sint in eis corporis stamina, cumque præterea patetiores habeant cutis poros, facilior aeri externo conceditur aditus, quo humores lymphatici inspissantur, ad interiora ventriculorum potissimum & pectus propelluntur. Et quoniam infantes, ob tenerum, mobile & sensile genus nervorum, ad motus spasticos & convulsivos sunt propensiores, mirum non est, illos præ aliis ætatibus hisce tussibus torqueri, acerbioraque experiri symptomata. Nec silendum pueros ratione destitutos, de vestitu parum sollicitos, semivestitos ut plurimum, temerè sese omnibus aeris inclementiis committere. Accedit præterea, quod debiliori donati ventriculo pueri, nullum servant in vivendi ratione modum, continuèque, sine fame, sine modo, sine fine, sine delectu comedant. Nec minus imminet infantibus periculum ex parte ventriculi, cum ad compescendos vagitus, continuò nutrices ipsis mammæ porrigant. Undè nimis gravatur ventriculus, hinc alimenta, crassâ, acidâ & viscidâ acquirunt indolem. Quandiu autem talia hospitantur in stomacho, papillæ vellicantur nervæ, irritatur indè diaphragma, quod arcet nervorum consensu, cum orificio stomachi sinistro connectitur, hinc tussis exurgit, primò quidem inanis, cum reiectione mucilaginis viscidæ postea conjuncta. Præterea infantes, ob organorum debilitatem, viscosam hanc materiam, aut tussiendo rejicere nequeunt, aut deglutiunt. Talem tussim ex stomacho oriri signum est in tussiendo sonitus. Si enim ex profundo quasi loco, & imò pectore tussiant, item quando ægri gravamen percipiunt in præcordiis, hanc è ventriculo oriundam esse asserit *Ermullerus*, (b) ab iisdemque omninò causis oriundam. Huic sententiæ suffragantur melioris notæ Medici. Sic *Frid. Hoffmannus* (c) tussim serinam à nimia ventriculi inflatione, à lacte viscido ibi copiosè stagnante, & diaphragmatis descensum impediēte oriri asserit. (d) frequentior est tussis humida crassa, cujus natales, seu subjectum est in ventriculo infantis; tussis hæc adeò vehemens est, ut conti-nuò tussiant infantes, donec tandem vomitus sequatur. Originem habet ex stomacho, & ferè solet sequi Adæphagiam infantum, seu copiosiorē pultaceorum in-

(b) Annot. præf. ad inst. Med. Philo.
(c) De morb. infant. cap. 2. par. 15.

(d) De lacte & lacta. vitæ art. de tussis infant.

gestionem, & lactis simul crebriorem haustum, quæ duo, nimia copia, cum imparia
 » fiant, fermento stomachali digestivo, defectu concoctionis, degenerant in liquami-
 » na viscida, crassa & mucilaginosâ, quæ ipsa statim subministrant materiam, un-
 » de difficilis respiratio, quandiu supini jacent infantes, aut etiam irritando orifi-
 » cium stomachi sinistrum, & cum hoc diaphragma, tussim pertinacem inferunt. Un-
 » de in hac tussi, ad stomachum erit respiciendum iudice eodem *Etmullero*. (e) In
 hac tulli convulsivâ, ferinâ & siccâ, ait *Hoffmannus* (f) causa maximè hæret in sto-
 machi tunicis nerveis, ac vehemens tunc concussio adest corporis, cum sono pro-
 fundo. *Theodorus Corbeius* (g) tussim aridam quam vocat, ab irritato ac offenso per
 consensum pulmone, à ventriculi, intestinorum & aliorum viscerum abdominalium
 diaphragmati adjacentium affectibus repetit. Celeberrimi D. *Hecquet*, (h) Facul-
 tatis Parisiensis Doctoris & Antiqui Decani iudicio; tussis ista adeo intimè cum hu-
 moribus coniungitur, ut incongruum, sit primariam hujus sedem & originem, aliun-
 de quam à ventriculo repetere; nulla igitur potiori jure tussis stomachalis nomine
 insignitur; idcirco eximius practicus *Waldschmidt*, in hujusce morbi curatione, se-
 dulò ventriculi vitio attendendum suadet. Stertor enim, vel sibili è puerorum
 ventriculo erumpentes, satis indicant abundantiam phlegmatum viscidarumque
 materiarum in eo viscere nidulantium, quod abundantius earumdem materie-
 rum vomitus evincit. Nec ab illo stertore immune est pectus, aut non primariò,
 sed secundariò tantum & symptomaticè, ob viciniam, intimumque, nervorum
 membranarumque ope, cum diaphragmate nexum, afficitur. Nec ab affecto ven-
 triculo hanc tussim, repetendam esse non innuit (i) *Jodocus Louminius*. Siccæ
 hujus tussis occasio non à capite est, inquit, suprâ laudatus *Ballonius* (k). » Nam
 » si esset sola ferina destillatio, causa illius tussis permolesta, quæ vulgò Quinta di-
 » citur, non ea copia materie excluderetur, errant ergò qui ad caput, hujus tus-
 » sis occasione referunt, vix enim credat aliquis, quanta illius materie copia evo-
 » mitur, quam non est credibile à capite manare, sed à subjectis partibus ad tho-
 » racicas partes affluit. » Tussis infantum ex *Baglivio* (l) ferè semper esse solet à
 stomacho cruditatibus scatente, quo in casu semper stomacho attendendum suadet,
 non neglectis pectoris remediis. (m) *Thomas Willis* de tussi merè convulsivâ agens,
 » hujusmodi tussis exempla, in adultioribus rariùs occurrunt, inquit, attamen
 » usitatum est in pueris tussim à colluviè ferosâ pulmones inundante oriri cæte-
 » rum in hoc casu præter spasmos, cum tussendi imperu, circa præcordia excitatos,
 » non rarò etiam ventriculus in consensum adductus, quidquid sinu suo contineret
 » rejicit, hujusmodi tussis convulsivâ inter pueros valdè frequens est. » Cum ex supe-
 rioribus abundè probetur, causam hujus tussis à materiâ, acidâ, nidorosa in ven-
 triculo & primis viis nidulante, natales obtinere, omne feret punctum Medicus, qui
 hanc causam, tutiori breviorique viâ poterit eliminare. Huic autem scopo attrin-
 gendo emetica imprimis idonea esse in Medicâ praxi versatus nemo inticiâs ibit.

I V.

NATURÆ minister Medicus, hunc tantum sedulum sibi proponere debet
 finem, ut naturæ monitis attentam præbeat aures, auxiliatricemque ma-
 num adhibeat, fractam, penèque victam erigat, sustineat laborantem & tituban-
 tem, sopitam excitet, conantem denique adjuvet. Nec profundâ meditatione opus.
 Cognitâ semel morbi naturâ & sede, loquentem tantum naturam audiat, Medi-
 cus necessum est. Quot sese produnt symptomata, tot lingue, totidem ora so-
 nant. Ne autem extrâ propositum divagemur, symptomata quibus tussis pueror-
 um clangosa stipatur, in remedium delectu, Medicum hærare nequaquam si-
 nunt, quid enim aliud subiudicant, appetitus defectio, ab alimentis aversio,
 nausæ, inanes vomendi conatus, viscidarum denique materiarum vomitus? quàm

(e) Loco citato.

(f) Sect. 3; cap. 3. de morb. acut. discern. & rati-
 tate digno.

(g) Path. lib. 2. sec. 3. cap. 12. de tussi.

(h) Lib. cui-
 titu. Med. des
 pauvres pag.
 276. par. 86.

(i) Medic. obſerv. lib.

(k) Loco citato.

(l) Cap. de tussi.

(m) Tom. 1. cap. 12. pag. 561. in 4^{to}.

hærentem in ventriculo & primis viis colluviem & humorum saburram. Quid lassitudines spontaneæ, capitis gravedines, langores, virium prostratio, jactationes? Quam nimiam fibrarum laxitatem à feri viscerum quantitate oriundam. Quid tunc Medico sit agendum, in propatulo est. Nimis laxas nempe, sopicalque, ut ita dicam, ventriculi fibras, stimulante, vomitorii medicaminis, virtute, excitare & roborare, congestosque in ventriculo & primis viis humores foras amandare. Quæ mirè præstabunt emetica, modò opportune, debitæque dosi per Epierasim adhibeantur. Ea videlicet est ut plurimum emeticorum vis, ut salinis spiculis, tenaciorum, viscidamque humorum colluviem incidant & dividant, fibras ventriculi proritent ac convellant; undè in consensum vocatis diaphragmate & abdominis musculis, exoritur vomitus. Inter emetica medicamina, ea cautus selegeris, quæ tenellæ ætati, à quibuscumque medicamentis naturaliter abhorrenti, tutius & facilius possunt adhiberi. Ex his primas sibi vindicat, molle illud emeticum, quod hodiè sub Kermes mineralis nomine venit. Quod quidem medicamentum, cum ex antimonii parte regulinâ, sale alkalino fixo, & vero sulphure minerali simul adunatis coalescat, non irritando tantum & convellendo stomacho, sed & attenuandæ & liquandæ humorum ac proindè lymphæ viscositati apprime conducit. Duo imprimis in hujus remedii exhibitione consideranda veniunt Medico, Vel enim hospitantes in ventriculo & primis viis noxios humores eliminare est animus, qui cum educi postulant, per loca convenientia & quo natura vergit, sic præcipiente Hippocrate (a), duci debent atque eliminari. Tunc dosis à grano uno ad tria, immò ad quatuor. Talis est exhibendi modus. Hujus pulveris debita dosis, ægrotantis viribus accommodata, in duobus, tum aquæ, tum vini cochlearibus, admixto tantillo sacchari, ad nucis avellanæ magnitudinem, diluitur, eleganter in speciem, quod avidè deglutiunt infantes. Cochlear unum singulo horæ quadrante, vel etiam interpolito pro ægri viribus longiore intervallo, exhibetur, ita ut secundum, tertium vel denique quartum sit progrediendum; donec sat materiæ sit evacuatum; subsistere verò penes Medicum sit, si sufficiens materiæ copia fuerit rejecta, vel omnem dosim, ægroti vires rescent ferre. Dùm autem vomunt, ad diluendam humorum saburram in ventriculo contentam, facilioremque procurandam ejectionem, bibant aquæ tepidæ, vel feri lactis, vel decocti carnis vitulinæ aut pulli, magnam copiam; undè & nifus minor & facilius vomitus. Vel tantum intendit Medicus, tonum ventriculi restituere, materias viscidas incidere, expectorationemque promovere, ut concussa solida, cum salutis spe resiliant. Tunc à grano semel ad unum exhibetur; sed repetitis vicibus, tertiâ, quartâ, sextâve quaque horâ, vel solus, vel cum oleo amygdalarum dulcium, conservis ve quibuscumque, quarum ope, spiculorum salinorum acies, quodammodò obtundatur. Exhibentur quoque nec infelicitè, plurima alia emetica medicamina, sive è minerali, sive è vegetabili desumantur prosapiâ. Inter quæ insimul locum non obtinet Radix Brasiliensis ipsdem cautionibus exhibita. Emeticorum in hujus morbi curatione præstantiam agnoverunt stabilieruntque quotquot sunt eximiores in praxi medicâ viri. Talem tussim optime curat vomitus, ait, *Ermullerus* (b). Nullum melius esse remedium, vomitu, ad hujus tussis removendam causam, cum vitium sit in ventriculo; tussisque in principio, imprimis convenientem esse vomitum, tussim verò inveteratam, absque vomitu curari difficillimum esse, testatur idem *Ermullerus* (c). D. *Hecquet*, post symptomatum, hanc tussim comitantium, enumerationem; sic curationem indicat (d). » Hinc, inquit, patet ratio, cur tantoperè commendatur vomitoriorum usus, modò puororum ætati sint proportionata, aliorum enim remediorum efficaciam juvant. Prima igitur Medici sit intentio ex *Frid. Hoffmanno* (e), ut motus hos enormes quo-

(a) Aphor.
§ 2. sp. ci. 2.

(b) *Logo* sp.
c. 20.

(c) De vitis
expir.
(d) *Logo* ci.
c. 20.

(e) *Logo* ci.
c. 20.

» dammodò sopiat, & postea collectam, lentam & viscidam materiem, tam in pe-
 » ctore, quam in ventriculo & duodeno hærentem, blandè per vomitum & alvum
 » eliminet. Et certè, concisâ dosi, Tartarus emeticus, in mixturâ commodâ, solu-
 » tus, ejusmodi in casibus, si detur, longè optimum & desideratissimum præstat ef-
 » fectum. « Sic, addit, (f) » tussis puerorum stomachali, si nihil est quod prohibeat,
 » succurritur leni emetico. « Nec aliter censerat *Willis*, qui in hoc morbo cura-
 » tionis cardinem, in purgantibus & præsertim vomitoriis versari non dubitavit
 » asserere. In hanc quoque sententiam descendit, doctissimus *Boerhaavii* Aphorismorum
 » commentator, *Wanfsuten* (g). » In junioribus, inquit, solo lacte viventi-
 » bus, colostrum caseosum, in ventriculo vel intestinis hærens, atque in acidam
 » acrimoniam degenerans, irritando nervosam ventriculi & intestinorum fabri-
 » cam, convulsiones producit, ubi verò putridi humores, sive antè febrim præ-
 » existentes, sive febris tempore, aut per febrim, nati & collecti, circa præcor-
 » dia fluctuant, purgantia quidem & vomitoria profunt. « Quamvis enim, hic
 » loci agatur tantùm de puerorum convulsionibus, cum tussis nostra clangosa ab iisdem
 » omninò causis producatur, iisdemque sese manifestam faciat symptomatis, eadem
 » clangosæ huic tussis, convenire remedia, cuilibet obvium est. Nec absurdum
 » censemus, analogiam instituire, inter tussim nostram & pleuritidem spuriam seu
 » inferam, quàm doctissimus scholæ Parisiensis Medicus *Ludovicus Duretus* (h),
 » Rheuma consistens vocat, ejusque sedem assignat ventriculorum & primas vias,
 » cuni apparatu mesenterico. » Si pleuritis infera sit, inquit, Rheuma consistens, non
 » detrahet phlebotomia, hic est opus pharmacîa, quodammodò mochlicâ.

(f) Sect. 2.
c. 2. de tussi.

(g) De convul. febr. parv.
713.

(h) Append.
in coar.
Hipp.

V.

AN solâ emesi hunc morbum curandum suspicaris? minimè. Emetica tantùm
 in Tussis clangosæ curatione prædicamus tanquàm primarium remedium,
 ac veluti cardinem, in quo hujusce ægritudinis sanatio versatur. Alia verò remedia,
 venæsectionem, diluentia, alterantia, absorbentia, anodina, lenioraque cathartica,
 tanquàm præparantia, perficiendæque curationi idonea, admittimus. Emeticorum
 efficaciam comprobant experientia. Pueri Tussi ferè laboranti, auxiliaturus ac-
 cerfatur Medicus. Omnia terroris & periculi plena. Genæ rubent & turgent,
 illacrimant oculi, erumpit è naribus sanguis, convellitur interceptoque propè spi-
 ritu, strangulationi proximus ejulat infans. Quid tunc? num ad venæsectionem,
 tanquàm ad sacram unicamque anchoram confugiendum? Ast celebratâ iteratâ-
 que venæsectione recrudescunt symptomata. Num propinanda eclegmata? ab iis
 quidem cautè exhibitis, momentanei aliquid caducique expectandum levaminis,
 sed ab iisdem, nedùm sufficient, si nimîa copiâ ingerantur, sperandum est visco-
 sitatis in humoribus augmentum. Num purgationi locus? sed parùm juvat. « Cur-
 » rationis vis, inquit *Valeriola* (a) neque in sanguinis missione, neque in purga-
 » tione consistere videtur, nihil enim hisce remediis, aut parum proficitur; im-
 » mò quibus hæc remedia sola imperantur, eos deterius planè se habere videas,
 » exagitatæ tantùm mali feminariis, nec proprio seu alexipharmaco extinctis. «
 Exhibeatur autem emeticum, concinnâ dosi, ægrique viribus per Epicrasim ac-
 commodatum, atrocîa evanescunt symptomata, malumque, si ita loqui fas est,
 quasi manu ablatum, & in ovo suffocatum diceret. Huic quidem assertioni, no-
 stro quidem judicio, robur addit, quod multoties narravit, hujusce ævi Medicus
 saluberrimæ Facultatis Parisiensis olim alumnus, (b) ejusdemque cultor observantissi-
 mus, qui Ambiani per annos quadraginta & amplius, in ægrotantibus quotidie, diu
 ac noctu invifendis, peramplâ praxeos laboribus & rædiis assidue devoratis, infusa-
 vit; (cur enim opere hoc in nostro, patris optimi experientiæ & observatio-
 ni, partem aliquam non concederet, nostra erga eum pietas.) Narravit, in-

(a) Lococito
tato.

(b) D. Baillie.
villie, Cohes.
Ambian. Wor-
canus.

(b) Epist. 1.
respons.

quàm, se per diversos annos, clangosas hujusmodi Tussis, inter pueros sæpè, rarè admodum & penè nunquam inter adultos, nisi crapulæ deditos, epidemicè grassantes observasse, similibus prorsus symptomatis, à *Valeriola*, *Ballonio*, *Hoffmanno* descriptis stipatas, quæ neglectis, aut omisissis venæsectionibus, omnisque generis pectoralibus, Emeticis, iisque solis & pro ætatis ratione, per Epicrasim repetitis, debellatæ fuerunt. Frustrà cum *Sydenhamio* (b) objiceret phlebotomiâ & repetitâ catharsi, expugnari Tussim puerorum convulsivam. Non negamus enim adhibendam esse phlebotomiam, imo suademus, ad ventilanda vasa, sanguinique mitigandam effervescentiam, aliòquin, adhibito Mochlico, diruptionis esset metus; sed hanc inter præparantia tantum remedia censemus collocandam. Quod spectat ad repetitam Catharsim, eam duplici ratione, materiei morbosæ removendæ, minùs idoneam contendimus. Primò quidem, quia multò longior & malefida est intestinorum via, & ad *Hippocratis* sensum, eò ducenda sit materies quo maximè vergit. Secundò, ob hujus colluviei visciditatem, ea requiruntur medicamenta, quæ incidendi, dividendi, attenuandique energiâ maximè polleant, cum aliundè, ventriculi rugis abscondatur irretiatumque, & petiolo, ut ita dicam, stomachi parietibus adnexa sit, pendulaque hæreat hæc materies, succutiendus est ventriculus, ut eradicari possit illa & eliminari. Quod vix Cathartica, mirè verò præstabant Emetica. Enumeratis, Tussis clangosæ signis & symptomatibus, assignatis ejusdem causis, tum antecedentibus, tum conjunctis; cognitâ & stabilitâ pessimi hujus morbi naturâ & sede; à plenitudine insuper, & saburrâ humorum, primas vias infarciende; vomituque bilis & pituitæ viscidæ spontaneo, luculentissimè deductâ; doctissimorumque & expertorum Medicorum usu & testimonio confirmatâ, curativâ indicatione; jure ac meritò concludimus,

Ergò Tussis puerorum clangosa, vulgò Coqueluche; Emetis.

DOMINI DOCTORES DISPUTATURI.

M. Franciscus - Nicolans Gautier.	M. Ludovicus - Renatus Marteau, Bibliotheca Facultatis Præfectus designatus.	M. Hyacinthus - Theodorus Baron, antiquæ Facultatis Decanus.
M. Franciscus Bidault.	M. Josephus Lallemand, Chirurgia Gallico idioma- te Professor designatus.	M. Joannes - Franciscus Couthier.
M. Joannes-Claudius Munier, Consiliarius Medicus Regis ordinarius & Domus Regiæ Invalidorum.	M. Petrus Poissonnier, Pro- fessor & Censor Regius.	M. Michael Procope-Couteaux, Bibliotheca Facultatis Præfectus.

Proponebat Parisiis JOANNES - BAPTISTA BASSEVILLE;
Ambianus, Saluberrimæ Facultatis Medicinæ Parisiensis Baccalaureus, Theleos
Author, A. R. S. H. 1752, A SEXTA AD MERIDIEM.